

Пашнина Юлия Егоровна

Медбур морт

Менам ичөт өтка ныв,
Көсья ме тэд кывтор шуны:
Көсьян кө тэ овны дыр,
Ассьыд сьөлөмкылөм кывны.

Мунас кадыс, локтас ар,
Синвад киссяс уна ваөн.
Но тэ эскы да пыр төд -
Тэнад лов пытш медся дона.

Дінад йөзыс лоас уна,
Локны-мунны кутас пыр.
Но, а коляс дзик пыр ордад
Медся пөсь вира ёртыд.

Тэ сет сылы ассьыд сьөлөм.
Тэ эн жалит сылы нинөм.
Век ло орччөн, дінас пыр,
Медся крепыд вөчөй вын.

Мед көть сэсся зэра арыс
Көсьяс ниртны сьөлөмкылөм.

Тэныд нинөмысь нин повны -
Тэнад дінад медбур мортыд.

Кокныйд

Водз асыв чеччан,
Шондікөд өттшөтш,
Ывлаө петан,
Көм йылысь вунөдіг.
Му вывтыс котөртан
Асывлы паныд,
Шондіыслы нюмъяліг
Радуйтчан налы.
Кутшөм жө долыд
Сьөлөмлы, пытшкөслы,
Кутшөм жө нимкодь
Асывлы радлыны.
Кок чунь со көтасьө
Шоныдкодь лыванас,
Синьястө ёрө
Ярьюгыд шондіыс.
Мед эськө татшөмыс
Дырджык на пөртмасис
Миян став сьөлөмын,
Синьясын, лов пытшкын.